

MOTLATLANILISTLI ITECHPA MASEUALAMOXIJKUILOLISTLI IPAN SEMANAUAK PLIA

TENOTSALISTLI

Ipampa mouistillos iminueyekiuj in maseualamoxijkuilojke, yejika **IN UNIVERSIDAD DE GUADALAJARA, IN INSTITUTO NACIONAL DE LENGUAS INDÍGENAS (INALI), IN COMISION NACIONAL PARA EL DESARROLLO DE LOS PUEBLOS INDIGENAS (CDI), IN SECRETARIA DE EDUCACIÓN DEL GOBIERNO DEL ESTADO DE JALISCO (SEJ) UAN SECRETARIA DE CULTURA DEL ESTADO DE JALISCO(SC) tenotsa ipan MOTLATLANILISTLI ITECHPA MASEUALAMOXIJKUILOLISTLI IPAN SEMANAUAK 2016** ika inin tlanauatili:

IK ACHTO. Ipan inin xiuitl 2016, inin Motlatlanilistli itechpa Maseual amoxijkuilolistli ipan Semanauak mochiuas itechpa tlapouilistli, (relato, cuento uan novela).

IK OME. Uelis mokuikuiliske ipan inin Motlatlanilistli nochtin amoxijkuilojke tlein ualeuaj santlein maseualtepetl nikan Semanauak tlein axkan moijtoa América, amo mopouas axkan kanin chantij; imintekiuj moneki moijkuilos ika se maseualajtoli uan melauak kichayaua maseualamoxijkuilolistli, in amoxijkuilojke moneki melauak tlamatinimej ipan tlapouilistli.

IK YEYI. Inin Motlatlanilistli mochiuas ipampa inon Feria Internacional del Libro de Guadalajara, uan in akin kitlanis moneki maj kiajxilti inin tlamantli:

- In tlapouilistli tlein achtoui amo omoijkuilo in maseualajtokopa.
- In tlayokoyalistli moneki itech poui imaseualyujkatilis in amoxijkuilouani.
- In tekitt tlein mochiujtok maj mochiyaua uan maj mochiyaua in maseualamoxijkuilolistli.

IK NAUI. Inon tlakaj tlein mokuikuiliske moneki maj kintlalican sekin nechikolmej itechpa yujkatilistli, tlamachtilistli, sekin nechikol noso sekin amoxchiujkali.

IK MAKUILI. In akin kineki mokuikuilis maj motokaytlali itechkopa internet: www.cunorte.udg.mx/plia; itechkopa se machiyoamatl tokaytlalilos uan noijki ika formato PDF mopechos oksekin amatl kemej:

- Se carta de exposición de motivos, ipan inon amatl teneualos itekiuj inon tlakatl tlein mokuikuilis kemej kijtoa ipan tlaixeloli ik yei;
- In currículum vitae noso se amatl tlein kijtos nochi tlein kichiua uan in tlein kimati inon tlakatl, uan noijki maj yekteneualo nochi amatl noso amoxtli itechpa in sasanili tlein okiijkuilo;
- Sekin amatl tlein uel kinextilis itekiuj uan itlamatilis: kox ye okitlani itlaj, kox kipiya sekin reconocimientos, kox kipiya iamaixko se amoxtli tlein okiijkuilo.

Nochi inon amatl moneki maj titlanilo itech amaixko www.cunorte.udg.mx/plia, noso ipan correo plia@cunorte.udg.mx noso uikalos in kanin UNIVERSIDAD

DE GUADALAJARA, CENTRO UNIVERSITARIO DEL NORTE, CARRETERA FEDERAL No. 23 Km. 191, C.P. 46200, Colotlán, Jalisco, México.

IK CHIKOASE. Amo uelis mokuikuiliske:

- I. Itekijtkauan in Comisión Interinstitucional;
- II. Itekijtkauan in Jurado Calificador del Premio;
- III. In akinkej ye okitlanijke inin Motlatlanilistli ipan oksekin xiuitl.

IK CHIKOME. Nochi amatl uan imintoka inon tlakaj tlein nikan mokuikuiliske amo san akaj kimatis, iamauj ixpoliuis sempouali uan majtlaktli tonalmej satepa ijkuak mochiuas inon Motlatlanilistli.

IK CHIKOEYI. Uelis motokaytlalis in akin kineki mokuikuilis ijkuak kisas inin tenotsalistli, yesej inin tokaytlalistli motsakuas noso tlamis ipan 2 de septiembre de 2016, 23:59 iman nikan Mexijko ueyaltepetl. Amo akaj uel motokaytlalis satepa inon tonali.

IK CHIKNAUI. Yeyij maseualamoxijkuilojke tlein tlamatinimej mochiuaske in Jurado del Premio de Literaturas Indígenas de América, uan amo akaj kinixnamikilis imintlajtol.

IK MAJTLAKTLI. Inon tomin tlein motlanis ipan inon Motlatlanilistli san se uan amo moxejxelos, yes kemej 25,000 USD (Veinticinco mil dólares estadounidenses), in yuhquin itlapatlalis ijkuak oquis inin tenonotsalistli (6 de mayo de 2016), yesej motlaxtlauas ika tomexijkatomin, noijki kiselis se tekuikuiltontli.

IK MAJTLAK ON SE. Ipan metstli septiembre momatis akin okitlani ipan inon motlatlanilistli itechkopa se tenauatili. In nechikolmej tlein kichiuan inin motlatlanilistli kitlaxtlauaske in mimilolkali tlein ika moolinis noso paxalos in akin kitlanis.

IK MAJTLAK ON OME. In tlatlanki kiselis itomin ipan 3 de diciembre, 16:30 iman, iijtik salon 6, tlatlantla itech Expo-Guadalajara ipampa Feria Internacional del Libro de Guadalajara, xiuitl 2016, ipan Guadalajara, Xalixko, Mexijko.

IK MAJTLAK ON YEI. In akin mokuikuilis ipan inin motlatlanilistli moneki maj kitlepanita uan maj kiajxilti nochi itlanauatil inin tenotsalistli. In tlaa akaj amo kitlakamatis niman amo uelis mokuikuilis ok.

IK MAJTLAK ON NAUI. In nekuejmololmej tlein nikan amo teneualo kiyekmelauas in Comisión Interinstitucional del Premio, in kanin mosentlaliske imintlaixpantijtkauan inon nechikolmej tlein kichiuan inin motlatlanilistli uan amo akaj uel kiixnamikilis imintlajtol.